

HARVARD COLLEGE LIBRARY
FROM THE
HARVARD-YENCHING
INSTITUTE

6

JUL 18 1930

3150

Ch L 3200.7141.83

鳳臺縣志卷之十一

列女

哈佛大學哈佛燕京圖書館珍藏印

鳳臺縣志

焦莊妻王氏夫歿無子惟孤女二人日夕牽衣膝下氏甘

心守節撫育二女以終其身有叔失恃賴氏乳以成宗

黨賢之守節六十一載享年八十有八

王肇元妻劉氏年二十有七夫亡長子始五歲次子生甫

一月姑老起居不能自如氏養老撫幼不遺餘力子今

章采章相繼入泮苦節四十二年令給綉旗獎

廩生姚安中妻陳氏增生姚景崇母原任冀南道姚恭子

婦也遭流寇變遂家於澤州無何安中病亡氏年二十七方有娠後生子景崇家徒壁立藉十指教養景崇入庠復以夭折孤孫甫三歲穉小伶仃媳張氏時年二十六歲婦姑相依勞心撫孤可稱姚門二節

徐蘊妻宋氏夫亡年二十三遺孤甫二歲氏撫育成立以慈代嚴守節三十年五十三而卒

張眉繼妻史氏夫亡遺子振居方四歲家貧衣食常不繼氏躬親紡績具甘旨以奉姑守節三十餘年內外稱其賢德

王廷棟妻李氏年十九夫亡無子女家無長物惟藉山田數畝終日把長鑿躬耕隴畔衣食粗足歲時往祭夫墓苦節五十年而卒

梁柳妻劉氏二十八歲夫亡遺子方八齡氏晝晷孤嫠茹荼飲藥養孤成立從叔之子兆金生數月其母忽喪氏撫育教養亦克有成

張嗣徽妻李氏夫亡年二十有四子啟始週歲氏甘貧守節饘粥不繼日夜操作以撫育孤子歷三十餘年如一

曰

李乾亨妻王氏夫亡年二十一姑老子幼事姑克盡孝敬
育子成立守節四十二載卒年六十有三

時彩鳳妻申氏年二十四夫亡姑老子幼氏事上撫下胥
盡其道守節四十一年卒享年六十有七

國學生陳述元妻郭氏夫歿時年十八貞靜自持守節三
十八年而卒

馬錫城妻趙氏年二十夫亡遺孤方週歲家貧氏以紡績
為生終身拮据撫遺孤成立苦節三十餘載

李彬妻王氏年十七而夫亡遺子廸生甫數月氏含哺顧
復形影相憐卒能成立苦節五十餘年州守屢加旌表

董文正妻成氏子歸未二載夫亡無子女氏勉力為殮具
殮畢縊死柩傍伯氏哀其烈以幼子後之

崔嘉福妻朱氏夫亡孤子秉彛尚幼朱善持家政親為經
營守夫遺業教子以等高行優貢明經官天鎮縣儒學

訓導守節二十八載以疾終

張憲妻劉氏夫亡年二十三孤藐伶仃家無儲蓄氏艱辛
况瘁卒撫其遺孤報夫地下鄉黨稱之守節二十餘載

孝子孔興晉繼妻晉氏年十六于歸十八夫喪遺子甫二

歲力勤織紉沒齒自甘苦節三十六載

鍾成方妻王氏夫亡年二十三生兒甫六月氏痛不欲生

念姑老無依日勤紡績以孝養其姑教子亦循循有法

守節四十載

張宣宜妻李氏夫亡年十九方有娠乃剪髮自誓既而生

子事舅姑以孝撫孤成立苦節三十餘載

楊懋妻牛氏懋死年二十無子女立從子以承夫祀事舅

姑曲盡婦道撫嗣子以慈凡飲食衣服察其寒溫而更

易之又以時教其不逮苦節凡三十餘年而卒

養年妻尙氏夫亡年十七無子女兄嫂亦一時並喪孤

姪孳孳無所依氏繼以為嗣又撫姪以承伯氏宗一熬

婦支門戶兩宗均賴以不泯族黨賢之

王遷妻邵氏年二十家貧夫死無以為殮乃典嫁時服飾

殯葬其夫躬自紡績養老姑撫穉子歷四十餘年姑以

壽終子復生子焉

段衮妻王氏夫亡氏年十八事姑盡孝撫子成立年八十

以壽終

段兆鳳妻袁氏年二十四而夫歿袁日夜號泣葬夫歸卽

自縊於室州守嘉其節烈表而旌之

董選元妻李氏夫亡年二十七無子殯夫後自縊死州守

洪旌其門

宋喬妻董氏年二十五夫歿遺子环始五齡氏撫摩鞠育

教孤有成守節六十一載环妻董氏姑董氏之姪女也

环亡氏年二十二亦苦節二十三年姑姪後先守義間

黨稱賢

趙廷士妻盧氏夫亡年二十九姑老盧善孝養奉姑命惟

謹遺子八齡視其寒暄時其飲食輔導而成立之守節

五十七年以壽終

董光佑妻王氏年二十五夫亡遺子方四歲翁姑在堂氏

日夜紡績俯仰衣食均藉以不匱孀居五十一年壽七

十六無疾而終

生員張維翰妻岳氏年十八喪夫無子氏繼姪為嗣姪甫

週歲氏撫育勤勞愛如己子孝養翁姑婦道無缺苦節

三十二載年五十而卒

姬鏗妻李氏年二十七夫亡長子甫二歲次子週歲氏教

育孤兒寬嚴中節期於有成後子夢鸞入泮苦節二十

載而卒

段貴色妻李氏夫亡年三十二長子方六歲次子生甫七
月堂上翁姑已垂白李事上撫下無餘憾守節四十四
年

陳曉妻吳氏夫亡年二十五家貧姑老子甫數歲氏終日
營心紡績八夜常參半不寐以供俯仰今七十六歲子
孫俱成立守節五十二年

門克慎妻董氏年二十一夫亡翁姑年老遺子襁褓紡績
勤勞俯仰各有所藉孀居三十餘載

監生崔廣名繼妻韓氏年二十三夫客死一子復夭殤翁
姑亦以哀痛歿氏方有娠典衣鬻釵以襄喪葬繼生一
女撫姪為夫後長為婚娶女亦擇配儒族嗣子稚魯氏
傭女紅市簪珥為生計現守節三十年

庠生李丙火妻宋氏年二十六夫歿堂無翁姑依伯氏以
居氏親操井臼作苦不倦舉家欽其賢越數年嗣伯氏
子為夫後飲食教育使力於學子亦體母志朝夕勤學
又以勞瘵卒氏與寡媳相依為命苦節已三十餘年

曹世傑妻邵氏年二十七而寡遺子甫六歲繼姑虐遇之

幾無以自存氏篤孝終始無間子年二十四客死他方
媳門氏二十七歲遺孤嘉祥生甫三月族人念其兩世
孤寡無依微叩其志門氏曰姑少年誓死守志備極辛
苦望子之成立也今子已亡此呱呱者孀姑所望以承
宗祀氏若改操姑不能生矣寒苦相依數十年如一日
計邵氏守節已四十餘年門氏已二十年

董世榮妻杜氏年二十五而寡遺腹生男上有孀姑苦志
奉親育子備歷艱辛前令賜以匾曰寒松晚歲現守節
三十七年

溫振妻王氏振亡遺孤方一歲氏保抱攜持視其成立與
庶姑同居終老守節已三十三年

李培資妻曲氏二十五歲而夫亡長子八歲次子方三歲
氏爲延師教誨奉舅姑以孝獨持門戶四十餘年以勤
儉自持復以所餘周給孤貧閭黨賢之

薛坤妻盧氏夫亡年二十三孤子始五歲氏孝養翁姑撫
育子女各盡心力守節三十餘年

知縣張勵知妾侯氏張解組歸中途忽故遺子驥方五歲
氏時年二十五窮途無資乃典質衣釵得挈子扶匱歸

里事老姑朝夕問起居進食飲教子誦詩書名列成均
不幸子復亡又撫孫成立守節五十三年

蔡紹元妻秦氏紹元貿易楚中歿於旅舍氏年二十三遺
三歲孤煥文氏日勤鍼黹以孝養老姑煥文幼時氏口
授以書督課不倦年五十七而終守節三十五載

原時道妻江氏二十五歲夫亡遺孤方四齡家貧辛苦力
作撫子有成守節七十二年壽九十六歲

段克恭妻王氏夫勇於問學以疾賫志而歿時氏年二十
八奉舅姑生事死葬胥以禮教子勤讀父書慰夫地下

守節三十二載

姚治國繼妻王氏夫亡年十九孀姑已老前室所生子祇

四歲王氏日勤女工爲俯仰資姑病卧床第十餘年氏
晝夜扶護不少懈撫前室子如已子後孤成長食力他

鄉諸孫力田以謀生理氏年僅五十四齒落日昏形容
枯槁如八九十歲人拮据勞瘁守節三十年

王君顯妻崔氏年十八歸于王閱三載夫亡亡後月餘生
遺腹子劬自提孩至成立備極艱復經營稼穡奉養舅
姑生養死葬借以成禮今年六十四歲

韓開泰妻薛氏年二十七夫亡姑老子幼家故貧氏宵旦勤紡績以奉旨甘督子文明力學早歲遊庠亡何子復喪又撫孫成立時年七十八歲

王倬妻武氏事舅姑以孝聞年二十四喪夫無子以姪承祀苦節自貞守志六十載

郭鎮都妻溫氏夫瞽目以下資生康熙乙丑正月鎮都賣卜鄉鎮過水北村失足墮池中溺死氏時年二十六念姑老子幼無從得食辛勤十指又乞母家時給米薪越六年庚午旱明年辛未復蝗里人多不聊生姑憐其苦

託所親喻以他適溫泣曰我卽餓死志不可易州守表其間守節近六十年

王永珍妻劉氏夫貿易江南客死宿州劉氏時年二十有三子義順纔一歲家貧日勤機杼爲生計撫孤稍長教以讀書後學岐黃義順遂以醫行於時康熙戊戌奉父柩旋里歸葬守節二十七載以病終

張可裕妻楊氏年十七于歸越六載而夫喪時翁姑俱衰老子維鵬尚在襁褓氏親操井舂躬紡績事上撫下守節已三十餘載

楊世美繼妻段氏年十九歸於楊家奇窮將順其夫待前
妻子圻如已出讀書入庠自生三子皆幼穉未幾夫喪
時氏年二十九圻窮苦莫支氏不欲復以苦累前子乃
晝夜紡織撫三子皆有成及長各爲娶婦年七十三而
卒

陳文貞相國記女奴景氏事載藝文

李森甲妻李氏年十七許字於李親迎有期而夫病垂危
巫者言成婚則病愈迨于歸不能行合卺禮未及廟見
夫遽亡苦志堅貞孝事翁姑生養死葬皆以禮撫姪爲

嗣復以歿殤家計蕭索孑然一身依母家以十指糊口
白首全貞苦節三十八年前合繆其吉表其門曰冰雪
松筠

梁敬妻孔氏年十七歸於梁越三載梁薄游廣西不歸至
氏二十八歲梁歿於廣翁亦繼亡氏與孀姑相依爲命
旅櫬遠歸囊無長物竭力孝養擇嗣承夫宗祀守節二
十四年

原瑛妻岳氏年二十一而夫亡翁姑年邁遺孤甫週歲辛
勤撫育上奉雙親教子讀書成人守節二十九年

王益公繼妻朱氏年十七于歸奉翁姑以孝愛前妻子逾於所生至二十九歲而夫亡長子死次子病廢幼甫在襁褓氏矢志存孤日夜勤紡績衣鶉茹荼鞠子成立守節五十年前太守劉開燾旌其門

韓廷棟妾王氏韓嫡室病故納王爲妾年二十九歲而棟亡子稚女幼家素貧氏辛勤撫育成人授室未幾子婦俱死復撫其二齡弱息艱苦備嘗俾之成人守節近四十年

廣西同知陳師儉妻衛氏年十九于歸師儉隨任於署師儉督餉軍前染瘴身故氏護喪歸里矢志守貧勤紡織奉親教子翁姑先後病歿氏代夫服斬衰比六年子中道夭折與婦雙寡相依二歲弱孫育之成立守節四十二年氏知書能詩嘗有歲寒訓子絕句人多誦之

李德謙妻范氏年二十而夫亡苦節自貞現守志四十二年
常勳妻王氏年十九于歸於勳時翁姑早歿依兄嫂同居至年二十四因夫亡無子欲以身殉族人爲立嗣承祀撫養成人守節四十四年

王起妻李氏年二十九而夫亡遺子穉幼翁姑在堂氏事
上育下艱辛備歷守節四十八年前縣羅著藻額以旌
之

董緝先妻郭氏年二十而夫亡苦志守貞上奉翁姑生事
死葬胥以禮繼姪以承夫嗣守節四十四年前縣沈榮
昌以匾旌之

范門雙節一爲和恒繼妻張氏年二十七夫亡事翁姑克
盡其孝欲立嗣承祧族中無可繼者不得已立內姪爲
後氏躬親撫養俾能有成守節三十六年卒鄉先生多

以詩輓之一爲武舉廷繼妻牛氏年十七歸廷閱一歲
而廷雙目瞽氏左右扶持之生子時植方四齡而廷亡
氏苦志撫孤教以讀書入泮守節六十一年學憲以額
旌其間

州同毛廣業妻李氏年三十而夫亡事親育子以苦節稱
前令錢汝霖旌之曰節著松筠

侯門三節一爲帝擢繼妻劉氏一爲帝拔繼妻苗氏俱以
中年夫亡苦心守志劉則嗣子爲後苗則育其所生胥
借紡織爲活計艱難備嘗守節皆如例前令沈榮昌以

雙柏凌寒旌其門

王式範妻楊氏年三十而夫亡姑病子幼氏仰事俯育胥
得其道守節五十二年學使者旌以額

茹肇基妻苗氏年二十一而夫亡遺孤甫三月苦志撫育

經營兩世喪葬安厝塋次教其子卒能成立守節六十

一年前令沈榮昌以匾旌之

贈都事馮瀛妻韓氏年二十九而夫亡遺二子尚穉弱辛

勤撫育延師訓讀親為督責以驗勤惰皆蚤年入庠知

名於時次子豫亨以議叙歷官河南布政司都事咸有

清惠聲皆氏之教也守節二十四年前守朱樟旌其門

李時夏妻趙氏年二十八歲而夫亡遺四子俱幼氏立志

堅守以撫育之家素貧氏親操井臼勤紡績教之讀書

俾四子皆有成立守節二十八年前令羅著藻匾其門

曰志乘所遺

趙人文妻李氏年二十五夫亡遺孤六歲翁姑年老氏茹

荼奉親撫孤成人守節四十二年前令額其門曰松柏

同貞

張焄妻李氏年二十六夫亡子幼翁姑俱高年姑病卧床

禱奉侍惟勤教子以義方守節四十一年前學使者蔣元益以松筠同操旌其門

張全祿妻賈氏年二十七而夫亡遺子七歲食貧撫孤苦節彌堅守節五十二年前令以匾旌之

王子泌妻宋氏年十九夫亡無子堅心苦守奉養翁姑與伯氏同居家素貧以針黹添助薪水伯亡代育諸猶子守節五十四年前學使者以金石一心額表其家

司政妻張氏年二十七夫亡遺孤甫三齡上有孀姑衰老多病氏事上慈下曲盡其道守節三十八年前令沈榮

以竹柏垂青旌之

李潤秀妻劉氏年三十九而夫亡遺子女四家貧無以給其姑乃躬親磨麵日獲錢若干以爲生計俯仰胥有所資守節四十九年郡守姚學瑛表其門曰姜孟貽徽

生員賀鳳岐母王氏年三十而寡子甫週歲上有翁姑氏養親教子入庠前提學給匾額曰芳徽裕後現守節五十年

王極妻梁氏生員王大烈妻楊氏梁之姪婦也俱以青年守志撫孤成人梁守節四十七年楊守節四十八

年前令沈榮昌以匾旌之
張追騏繼妻李氏年十七夫亡無子立姪爲嗣嗣子中年短折撫三孫成立守節五十九年卒前學使者以額旌其門

生員馬其驥妻董氏中年夫亡無子撫姪成人貧苦自甘守節三十二年前令繆其吉旌之曰義埒其姜

劉鷄妻張氏年二十夫亡家貧無子姑憐其少欲改嫁之氏矢志奉姑生事死葬胥以禮抱夫兄超女爲女撫之如已出長爲擇婿以嫁復立姪爲後氏多方督訓不恤

人言委曲教之成立守節四十年教授王雯表其門曰德並陶歐

王國璽妻申氏與子珠婦宋氏申年二十夫亡撫子珠亡時妻宋二十六歲撫孤存義姑媳鞠育成人娶妻李生子鳳鳴而存義又亡李殉烈別有傳兩世孀姑共育其孤現已從師讀書有聲申守節六十一年宋守節四十一年羣稱曰一門三節烈

王洪彰妻王氏年二十八夫亡撫孤守節四十二年前提學匾其門曰冰霜自持

秦廷霞妻李氏年二十五夫故遺子在襁褓氏苦志守節時夫弟夫婦相繼歿亦遺子重氏引爲己責并鞠育之而已子殤氏慟欲自死重牽衣而泣氏忍淚言曰秦氏兩門惟爾一綫吾死爾何以爲生吾今不死矣遂姆姪相依爲命亦事之如母爲重娶妻生子守節五十三年前郡守旌獎之

段逢源妻魏氏年二十夫亡事親以孝繼子承祀守節五十二年提學蔣元益表其門曰松筠晚翠

生員崔鳴珂妻劉氏年二十二夫亡無子誓以死殉翁姑

泣諭之曰吾二人皆年近七旬爾若死吾與俱死矣氏素明大義感其言遂竭力奉養皆以壽終喪葬如禮守節五十五年前守劉旌其門曰桂晶薑心

邵彞忠妻張氏年二十夫故遺二子皆幼小氏甘貧守節辛勤撫育俾能成立事孀姑克全孝養守節三十五年前令沈榮昌給以匾曰節孝嗣徽氏姑郭亦節婦別有傳

晉天倫妻劉氏年二十六歲夫亡無子家貧如洗以女工度日奉翁姑必以甘旨而藜藿自茹堅貞不渝守節六

十三年前學使以匾旌之

黃張氏失其夫各青年早寡撫孤守志苦節六十二年郡
守姚學瑛旌其門曰孀婺縈輝

彭雲龍母宋氏年二十七而夫亡遺子尙在襁褓氏立志
苦守辛勤撫養及長使從師讀書入庠守節六十年前
令沈榮昌給以匾額

申士端妻王氏年二十夫歿氏欲以死殉念方有娠不忍
絕夫嗣且舅姑已老忍死相依有語及改適者乃剪髮
自誓後果生男辛勤撫育家故貧日用多取給於紡績
及子已成立病危不肯服醫藥曰吾死已晚矣遂卒計
守節二十二年令旌以額曰巾幗程嬰不愧也

李勳妻趙氏年二十六夫故家貧子幼而翁姑衰老辛勤
紡績爲養親育子日用計守節五十八載前令繆其吉
以節堅壽永旌之

王洪妻尚氏年二十六而寡氏上奉翁姑撫育二子家貧
以紡績爲生計卒能教子有成守節四十餘年前令沈
榮昌表其門曰風高黃鵠

趙福謙妻時氏年十九歸趙趙素貧孀姑抱危症氏典衣

飾奉湯藥姑死無以爲殮變其宅以葬姑僦屋而居以十指爲糊口資無何夫又亡竭力葬夫家愈貧往依母家手指所積爲子娶婦生孫而辛苦備甚兩目幾失明嘗並日一食鶉衣百結見者莫不酸楚乾隆四十四年歲饑氏舉家染於疫氏悲慟而絕計守節三十三年前提學以節並松筠賜之額

郭桂寰妻任氏年二十六夫亡子幼至貧不能自存念故夫存日習金行生理託所親謀於金行取捶金至家殫心經營成其業計每日所得工值足可資生諸子相次

成立守節五十二年前縣以幽貞必發表其門

司產鼎妻龐氏年二十一夫亡撫八月孤成立娶室生孫入庠現守節五十七年郡守姚學瑛以鶴年松操表之增生聶鴻謨繼妻趙氏年十九夫亡事姑無二歲幼子成立守節三十五年前學政以節厲貞松表之

宋寓妻牛氏年十八于歸越二載生一女寓以家貧趁食他方氏孝奉翁姑養生送死皆氏自爲經理而寓卒無音耗現守節四十九年

張效鸞妻曹氏年二十夫亡孝事孀姑守節四十七年郡

守姚學瑛以匾旌之

都垣繼妻牛氏年二十九夫亡家貧子幼撫養成立守節三十一年前守以節著慈昭旌之

崔子珍妻姚氏二十四而寡奉姑撫幼守節三十四年前令旌其門

生員趙春妻張氏年二十九夫亡守志養姑撫孤苦節自貞守節五十三年前令以孝德貞心贈之額

蔡馨妻侯氏年十七于歸馨二十三而夫亡遺孤甫八月氏誓志守節辛勤撫育俾之成人現守節四十一年

張文妻王氏年十五夫亡無子苦志堅守上奉翁姑爲夫立祀承祧稱未亡人二十餘年以疾歿前令以玉節冰操旌之

周續堯妻宋氏年二十九而夫亡家貧立志貞守勤紡績以事翁姑養生送死胥以禮守節四十一年前令陳詩匾其門曰節孝維風

段仁妻徐氏年十九夫亡苦志自勵孝奉翁姑撫姪爲子守節三十三年前令繆其吉以匾旌之

生員原汝楫妻張氏年二十六夫亡家貧無子上有兩世

一 孀姑以針黹爲活計竭力供奉嗣子爲夫立後守節四十九年前令以玉質冰操表門閭

張揚妻苗氏年二十九夫亡堅心自守善事翁姑撫子成立守節四十二年提學旌其門

韓廷柱妻蕪氏年三十而夫亡家貧苦守撫孤成立娶妻生孫孫又生子孫亡後鞠養曾孫艱苦備嘗守節五十九年前守朱樟旌之

王廷妾馬氏年二十八而廷亡遺子甫週歲家人欲奪其志氏誓死不從與子相依爲命卒能教子成人入庠有

聲前令沈榮昌旌其門

劉爾勳妻時氏年十九夫亡無子矢志奉養翁姑生事死葬盡力拮据守節二十三年前署令以匾旌之

楊增義妻姚氏年十八歸於姚爲繼姑所虐逼使斫箸尖以負債逃於外氏依鄰媪以居自食其力氏故強壯能舉粗重爲人傭田間工作每得值輒敬奉翁姑代操井臼日以爲常未幾姑感悟收與同爨翁患癱姑亦雙瞽動輒需人氏一力扶持夏則負以納涼冬則攜之就煖凡飲食起居以及便溺諸事刻不能離氏小心奉侍而

耕田炊飯胥無誤俄而姑亡翁病愈劇奉養十餘年從無怨言後翁將死自備一棺氏嫌其薄惡欲典田別市美木翁不從曰薄產祇數畝若盡行典去汝何以爲生氏曰兒以耕作爲活計無煩老人掛念也及翁歿竭力喪葬罄其產或有稱其賢孝者氏曰鄉愚人祇知子婦分應如是不知何爲賢孝也又數年氏拮据農織家漸裕盡贖其所典田畝乃遣人遠出訪其夫卒無音問現年六十五歲距夫出亡時已四十二年鄉人高其行公以賢孝表其閭

張守道妻靳氏青年喪夫矢志以養親教子爲己任舅姑先後去世竭力喪葬備極艱苦年八十卒守節五十八年提學匾其門曰節壽崢嶸

焦棟妻段氏年二十二而寡親老子幼立志堅守撫子成立苦節三十六年提學劉種之賜以額曰節勵松筠

張子斌妻子氏年十九歸於張生四子適夫貿易河南客死汝州氏携子親至其地扶襯歸葬撫孤成立守節四十五年前令以冰霜節操表之

賀茂妻郭氏年二十三夫亡子幼苦志撫育值夫弟夫婦

借亡并養其孤姪成立現守節四十七年前縣余丙以
徽嗣柏舟旌之

陳門二節陳謚妻苗氏弟詒妻白氏年二十四夫亡無子
誓以死殉翁姑婉諭之曰汝死則夫無後得汝伯生子
先與承祧氏最孝聞其言遂立志苦守未幾伯謚亦亡
妻苗氏二十八歲亦無子因翁姑在堂弟婦孀居兩氏
同心秉貞上事翁姑日夜勤紡績歷艱辛擇族中子各
一人爲嗣授室生孫而兩嗣忽夭則各撫遺孫恩勤劬
育與寡媳相依爲命愛如已女家門親睦里黨稱賢苗

守節四十五年白守節五十八年縣令林荔表其門曰
松柏堅貞

蔡桓妻崔氏年二十九夫亡子幼上有孀姑氏矢志堅守
奉姑教子現苦節五十五年前守旌其門曰冰雪自持
侯熠妻馬氏年二十夫亡遺孤歿繼嗣守節二十八年前
提學以貞徽垂範旌之

李鏡庫妻秦氏年十九于歸越三月夫亡誓以身殉慟絕
復甦翁姑晝夜防範諭以姒方有娠生子可繼爲夫後
已而姒生女五年不復孕育氏仰天泣曰是天不欲吾

夫有後也吾何以生爲遂絕粒七日而死事聞於縣爲
詳請旌表格於例不行合爲表其門曰貞心萬古

杜之璉妻安氏年及笄歸於杜杜客死樊城旅邸氏甫二
十四聞訃欲死因子在襁褓翁姑衰老矢志守貞備歷
諸艱事親育子曲盡其道守節三十八年而卒

王尙猷妻張氏年二十七夫亡子幼上有翁姑立志苦守
親井曰勤紡績上事雙親下撫孤子成立守節三十一
年

王爾藩妻曲氏年二十五夫亡無子祇遺一女上有兩世
孀姑族人或諷以改適曰女子從一而終吾在卽夫在
吾當代夫孝養兩世姑也遂矢志不移以紡績餘資奉
一兩姑甘旨教女以待其嫁兩姑歿喪葬皆以禮守節四
十四年

林廷佐妻任氏年十九夫亡無子上奉翁姑擇可嗣者爲
夫立後翁姑歿喪葬皆如禮守節四十一年
司立中妻秦氏年十八夫亡家貧子幼矢志撫孤成人娶
妻生孫而妻亡氏代撫之教以讀書入庠守節三十九

年

部作常妻李氏年十九夫亡無子為夫擇賢立嗣上奉舅
姑生事死葬胥無憾家貧苦守率以針黹為生計守節

五十年 李殿妻董氏年二十八夫亡無子矢志苦守族中無可繼
者為胞姪娶妻生孫撫養成人守節五十年

王振世妻吳氏年一十九夫亡子幼上有孀姑苦心守志
仰事俯給備歷艱辛守節四十六年

侯煜妻苗氏年二十九夫亡遺孤皆幼家素貧茹荼自守
撫育三子成立苦節五十一年

尚保富妻李氏年二十一夫亡子生甫週上有翁姑家故
貧氏厲志堅貞孝奉雙親生養死葬多如禮撫孤成人
守節五十九年

牛宏毅妻李氏夫亡守志事上育下苦節四十七年
張門三節張洪義妻祁氏年二十三夫亡遺子正泰方週

歲家徒壁立採野菜為食日用薪水皆取給於十指積
針黹餘資為子婚娶段氏數年而子夭亡段時年二十

八歲遺孤在襁褓姑媳相依為命寒夜共績冷竈同炊
卒撫孤成人祁守節五十八年段守節四十二年

列女

宋儒言妻陳氏年二十六夫亡遺子五歲家無立錫日多
枵腹携子採苦茶為食以紡織所績為子娶妻生孫入

庠一生艱苦備嘗守節四十九年

監生金七政妻裴氏年二十五夫亡苦志撫子得成成立

中壬午舉人守節四十五年

李思通妻張氏年二十夫亡子幼立志撫孤備歷艱難守

節四十六年

奉錦章妻司氏年二十六夫亡無子遺二女上有翁姑氏

矢志守貞奉養高堂教二女以待其嫁守節三十一年

以姪永翰為後

姚瀚妻許氏年二十一夫亡遺孤三歲上無翁姑兩夫弟

皆客居西江氏堅貞自守撫子成立守節三十二年前

郡守旌其門

廩生金四寧繼妻宋氏年二十四而寡撫孤教育苦節四

十二年

監生趙觀孚妻王氏年二十五夫亡無子立姪為嗣逾年

亦殤翁復病歿乃罄所有以營喪葬前令沈榮昌以淚

竹清香旌之

武生崔步雲母孫氏年二十夫亡遺子二歲上有衰翁氏
茹苦奉親撫孤成立守節四十二年

董其文妻郭氏年十九而寡矢志苦守孝奉翁姑繼堂姪
爲嗣教之成立現守節四十一年

陳廷柱妻張氏年十九而寡遺腹生子矢志堅貞孝養孀
姑歿後喪葬如禮撫孤娶妻生孫而子夫婦忽相繼亡
幼孫亦殤窮苦無依艱辛備嘗守節五十年

魏玉美妻馬氏年二十三而寡子在襁褓上有孀姑氏事
親撫孤娶妻生孫子亡又撫孤孫成立守節五十年

呂瑞昌妻鍾氏年二十夫亡子幼上有繼姑遭家多故
氏矢志堅貞奉親以孝教子入庠長子早歿復與媳共
守撫孫成立守節五十三年

段蕙妻孫氏年二十二夫客山南亡於旅舍遺孤三歲撫
育成立現守節二十九年

王魁甲妻曲氏年二十五而官於家貧子生未週歲氏依母
家撫子成立現守節三十七年

王永承妻石氏年二十八而官撫孤成人現守節二十四
年

張永淑妻聶氏年十八夫亡矢志奉孀姑繼姪承夫祀並
為夫弟撫養孤子女艱苦備嘗現守節三十二年詳請
建坊旌表

王可明妻梁氏年二十八夫亡事翁姑撫幼子成立現守
節三十八年

宋安民母馬氏年二十九夫亡撫孤成立守節四十六年

馬有仁妻朱氏年二十九夫亡繼子衍嗣苦節三十六年

蔡崑崙妻陳氏年二十三而寡繼子承祧守節三十八年

宋天才妻李氏年二十七喪夫上事孀姑撫子成人現守

節四十一

李觀妻郝氏年二十五夫亡事孀姑撫子成人守節二十
六年

范門二節范玉美妻張氏子奎祥妻王氏張年二十六歲
夫亡守節四十二年王年二十五歲夫亡守節四十二

年

王廷佑妻劉氏年二十九夫亡撫孤守節四十六年

庠生張履妻李氏年二十八夫亡上有翁姑遺一子俱幼

氏事上育下胥得其實後為子授室生孫子復客死於

外又撫孤孫讀書入庠守節四十五年

焦文楚妻陳氏年二十五夫亡事翁姑撫幼子成立苦節

三十四年

白世恒妻蘇氏年十九夫亡無子奉養孀姑現守節三十

六年

崔廷祥妻申氏年二十七夫亡撫孤成人娶妻生孫子容

死孫亦歿子婦改適復繼遺族為後現守節四十八

年

翟天祿妻張氏年十九夫亡事翁以孝現守節四十八年

李自明妻師氏年二十七夫亡孝養孀姑繼姪為嗣守節

五十年

董漢香妻徐氏年二十夫亡撫幼子成人守節五十年

董漢賢妻李氏年二十三夫亡事姑鞠子現守節四十年

任天和妻靳氏年二十七夫亡現守節三十四年

段長寧妻申氏年二十八夫亡奉姑鞠子現守節二十八

年

李璧妻李氏年二十七夫亡事姑教子現守節二十年

王大訓妻李氏年十九夫亡無子孝事翁姑現守節四十

六年

趙均妻崔氏年二十三夫亡守志撫孤現苦節三十二年

均姪秉義妻李氏年二十夫死於客邸親老子幼氏勵

志操守現守節三十年時稱一門雙節

申道生妻范氏年二十二夫亡子幼矢志守孤現守節三

十九年

車偉妻霍氏年二十五夫亡事親撫孤現守節四十年

李霈儀妻司氏年二十四夫亡奉姑教子守節四十年

王懿妾劉氏年二十八夫亡撫孤守志苦節三十年

馬臨泉妻任氏年十七夫亡遺腹生子撫養成立守節四

十三年

姚世福妻宋氏年二十夫亡孝事孀姑三十載喪葬以禮

教子成人現守節四十年

李文湛妻關氏年二十八而寡事姑撫幼苦節五十四年

王汝楫妻張氏年十八夫亡奉養孀姑姑病癱朝夕扶掖

一進湯藥喪葬胥以禮繼姪為嗣苦節三十六年

原之秀妻任氏年二十九夫亡奉姑撫子守節三十一年

李中懿妻馬氏年二十八夫亡撫孤守志苦節五十九年

成世位妻司氏年二十歲而寡矢志苦守三十七年知縣
林荔以節操維風旌之

崔子實妻魏氏年二十一夫亡上奉孀姑撫姪為嗣姪亡
又撫幼孫矢志堅貞苦節五十二年

溫秉燹妻張氏年二十四夫亡奉姑撫幼苦節四十二年
何藏妻李氏年二十八夫亡遺腹生子撫之成人現守節

三十七年

杜廷揚妻王氏年二十夫亡無子養二女以待其嫁守節

四十一年

張大緒妻晉氏年十七夫亡撫孤守節二十四年

陳健妻郭氏年二十三夫亡撫孤守節二十三年

李鐸妻張氏年二十三夫亡遺腹生子苦志鞠育翁姑相
繼歿遺二夫弟俱幼穉氏并撫養之左右提攜至於成

人二弟皆事之如母守節四十三年

李朗懿繼妻衛氏年二十五夫亡孝養翁姑守節四十四

年朗姪履長妻王氏二十三而寡守節三十一年

何善妻楊氏年二十六夫亡撫孤成立守志三十年

李門二節李炳妻裴氏年二十五而寡守節五十一年炳

弟堂妻裴氏年二十七夫亡遺腹生女出繼於嫂更為
擇繼承嗣現守節三十一年

朱熒妻卽氏年二十七夫亡孝事翁姑教子成立守節三
十八年鄉里表其門曰節孝義

陳緯妻秦氏年二十一夫亡奉翁姑以孝守節二十三年
陳仁元妻司氏年二十三夫亡事姑育子守節三十年元

弟仁亨妻牛氏年二十九夫亡奉姑撫繼子成立守節
四十五年

主事霍士渭妻車氏年二十七夫亡撫孤森成人娶妻八
氏森亦死金時二十五歲姑媳同志共守車苦節四十

年金現苦節四十五年繼子為嗣

申永清妻王氏清客死於外氏時年二十九歲撫孤守節
三十四年

李門雙節李三捷妻侯氏年二十六夫亡遺孤永錫撫育
成人為娶婦李氏生子甫四歲而永錫又亡氏時年二
十七姑媳同心苦志侯守節四十三年李守節二十三
年

牛冲斗妻王氏年二十五而寡守節三十八年

安于孝妻李氏年二十五夫亡奉親撫孤守節二十六年

傅廷相妻金氏年二十七夫亡苦志撫孤守節五十二年

武榮昌妻崔氏年十九夫亡子幼撫之成人現守節二十

二年

王述熹妻王氏年二十六夫亡養姑教子守節三十二年

孔傳朴妻李氏年二十六而寡守節二十九年

王廷佐妻陳氏年二十五夫亡子幼上有兩世孀姑事親

撫孤現守節四十二年

王化倉妻崔氏年二十四夫亡奉姑撫孤守節二十六年

趙御倫妻張氏年十九夫亡苦節四十二年

晉子亮妻趙氏年二十一夫亡撫繼子成人守節四十一

年

原忠繼妻陳氏年二十八夫亡撫孤苦守四十四年

生員馬玉賓妻王氏年二十二夫亡撫孤守節二十七年

司士偉妻秦氏二十八歲夫亡撫孤守志現三十六年

李雲臺妻祁氏年二十七夫亡撫孤守志現四十年

監生常大猷妻崔氏二十五歲而寡守節五十年

秦德詠妻王氏年二十夫亡奉姑撫嗣子守節四十八年

監生劉丙南繼妻侯氏年二十四而寡撫庶子成人現守節四十六年

牛嘉會妻陳氏年二十八而夫亡善事繼姑撫姪為子現守節四十一年

成棟察妻丁氏年二十五夫亡撫孤現守節四十一年
時省繼妻趙氏年二十三夫亡撫前妻子現守節四十七年

張履仁妻孔氏二十五歲夫亡養孤撫幼守節三十五年
王錫祿妻李氏年二十七夫亡撫孤守節四十六年

常世仁妻趙氏年十九夫亡無子上事翁姑養生送死克盡其道越二十一載繼姪為嗣守節四十六年於乾隆四十八年建坊旌表

石維祺祖母劉氏年二十三夫亡苦志撫孤守節五十九年前縣以飲水茹糲表其門

趙松齡妻張氏年二十夫亡朝夕涕泣追葬夫畢不食四日而死

劉子德妻李氏年二十六夫亡遺腹生子撫育成人守節三十一年知縣林荔以匾旌之

張光奎妻李氏年二十一夫亡涕泣數月投繯而死前縣
以性凜清霜旌其門

劉芳來妻張氏年二十夫客遊於外生子甫五月家貧苦
守上奉孀姑育子成人夫以客死撫柩歸里現守節三
十四年知縣林荔以姜操孟訓旌其閭

李貞女幼許字陳玉崑爲繼室未嫁而夫病劇陰陽家有
娶妻冲喜之說因脩六禮迎女以歸合卺禮未行夫旋
亡前氏遺幼子女六人環而泣不知所爲女自製凶服
視夫含殮其附身附棺之具胥如儀率兒輩經營喪葬

曲盡哀禮時家無次丁女一力支持門戶待子稍長爲
延師讀書撫育男女胥能成立完婚嫁自年十七守貞
至六十四歲而卒鄉人莫不哀之

杜之琰妻趙氏年三十夫亡撫孤守節五十一年

魏玉珍妻李氏年二十八夫亡奉姑育孤守節四十五年

李廣居妻衛氏年十六夫亡生遺腹子撫之成人守節二
十年

朱宏燦妻石氏夫亡守節二十年

錢益增妻茹氏年二十二夫亡現守節二十年

王輔爵妻任氏年三十五夫亡現守節二十二年

楊克凝妻宋氏妾畢氏夫亡守節撫子成三立宋苦志二十

四年畢守二十一年先後卒

張維鳳妻趙氏年二十三夫亡守節二十九年

王全義妻王氏夫亡撫繼子現守節三十一年繼子珖亡

妻張氏現守節二十五年

陳文經妻尚氏夫亡守志四十年現年八十三歲

張自立母梁氏年二十一夫亡事翁撫孤守節三十四年

王應奎妻趙氏年二十三夫亡現守節二十九年

武振遠妻成氏年二十八夫亡苦節六十六年

生員馬千里妻武氏年三十二而夫亡矢志不貳上事翁

克盡孝道下撫嗣子訓迪成名守節三十餘年如一日

李景文妻王氏夫亡守節四十年現年七十歲

馬錫杰妻孟氏夫亡守節四十四年八十四歲卒

景燾妻劉氏年二十二夫亡撫孤現守節四十一年

宋文臣妻李氏年二十九夫亡撫孤入庠守節三十四年

王嘉謨妻韓氏霍世科妻王氏生員郝紹芳妻郭氏劉雲

鶴妻趙氏龐士傑妻顏氏邵師尹妻楊氏樊養能妻謝

氏段絨鳳妻劉氏陳策妻苗氏生員喬氏信妻王氏張
 嗣昌妻孟氏劉永貞妻韓氏張潤妻孔氏生員趙日章
 妻喬氏生員陳英妻崔氏常佩璲妻劉氏苗登雲妻裴
 氏中奇遇妻侯氏常友金妻牛氏董濬妻王氏郭名顯
 妻魏氏常祿妻李氏關惇懿妻王氏孫肇經妻盧氏范
 才喜妻王氏秦聚璽妻王氏宋池妻張氏董士偉妻任
 氏李終妻張氏丁鏞妻郭氏郭元妻司氏張琨妻衛氏
 門大武妻司氏宋文臣妻李氏陳述唐祖母司氏晉成
 一妻梁氏宋良弼妾原氏王肇繁妻司氏王榮妻趙氏

孔維唐繼母閻氏宋奉正妻張氏王海妻陳氏李學書
 妻王氏門永和妻原氏馬洪瑞妻鍾氏張德俊妻陳氏
 邵儒妻李氏陳泰妻王氏李必昌妻張氏范自省妻郭
 氏董洪妻張氏尙錦妻朱氏王起志妻何氏陳善妻古
 氏宋王卿妻關氏姚世興妻李氏宋彩章妻王氏姬得
 臣妻李氏郭雙陽妻閻氏宋璋妻霍氏張時勉妻郭氏
 趙良弼妻申氏王俊奎妻王氏馬雲蛟妻王氏段雲鷺
 妾李氏生員葛秉忠妻馬氏劉崇潤妻趙氏邱弼乾妻
 王氏張宿瑞妻王氏李文臣妻王氏生員董維藩妻孫

氏生員王容妻張氏朱錦妻宋氏陳玉圖妻李氏晉宗

周妻李氏以上俱守節

鳳臺縣志卷之十一終

鳳臺縣志卷之十二

廟祠

關帝廟舊在府署大門東雍正七年知府許日熾移建東

門大十字街迤東建 三代祠西建道院後建春秋閣

關帝祠在夫妻嶺內有元碑

風伯雨師廟宋大中祥符初澤州請立祠

八蜡廟在城南關偏西劉將軍弁祀

濟瀆廟在城西關外五里許

旗纛廟在舊寧山衛內祀軍牙六纛之神

府城隍廟在城內西洪武二年知州李祥建指揮李諒知州孫康朱舜民重修國朝邑人王廷掄等再修乾隆

癸卯年間知府姚學瑛復修

縣城隍廟在縣治西南知縣錢汝霖林荔先後建修

府土地祠在府署內儀門東嘉靖年知州王好學建

縣土地祠在縣署內儀門外東

湯王廟城外數十處其最著者城東十五里烏政館有元

劉德盛至大年間碑城東南二十里招賢館城東北七

里崇素館城西半里許聖王館別有白洋泉館不在四

館之數又小析山廟有四泉元碑三又甘潤村廟有唐

武后時斷石經幢或者爲古寺也又大陽鎮廟有宋進

士劉泳石刻一按元皇慶年間大旱詔天下立成湯廟

隨時祈禱而澤州多山礲确易旱立祠獨衆論者以爲

始於元時然宋以前已有專祠固不自元始禱雨析城

之說訛傳已久則桑林之說亦姑存其舊云

二義廟在東淑村廟北後有隋開皇五年石幢

三忠廟城南關祀漢諸葛武侯亮唐李衛公靖宋文丞相

天祥舊爲宋神銳營天王堂有宋元祐碑今改建三忠

廟

李衛公廟在晉普山

玉皇廟城內有三城外著者二為府城鎮外有唐人石幢

內有宋元碑五一在龐家圪塔廟門外有晉天福宋紹

聖石塔記二

三皇閣在府治東

東西天王廟在南門裡皆宋時建

東嶽廟在東門外

元武廟在城南關

官廟城南關

將軍廟在固山上年月無可考傳為廉頗堅壁拒秦軍

地塑像奇古非近今所及

魏孝文帝廟魏宣帝時奉詔所立唐咸通漢乾祐年重修

宋大中祥符元年復修彭城劉淳文記在龍門東岸北

坡頭亦有廟建修年月莫考

梁甫廟在神南城東十五里宋建元重修李俊民有記

三嶽廟在城東北二十里盤龍山後晉建金進士盧璟有

記

楚王廟在石室嶺祀澤王珍

王武侯祠本祀秦王剪土人改祀符平

周孝侯祠祀晉周處墓在祠後辨証別見瑩墓

真君廟俗名二郎祀隋趙昱在南關內有嶽神天仙關帝

湯王廟元延祐間因小析山禱雨有應鼎建湯王廟李莊

靖俊民有記係元延祐年後人改撰重刻見金石考

旌忠廟城東關祀後唐裴約宋王孝廸建內有宋政和年

間賜額及諭祭文中書省故牒金刺史許安仁書摹勒

於石

二程先生祠在學宮西元郝經記今祇存明道像先生嘗

令晉城雍正年間知府朱樟重葺有記

七賢祠在體仁書院祀周濂溪敦頤二程明道顥伊川頤

邵康節雍張橫渠載呂進伯大忠呂東萊祖謙陳廷敬

記

張忠公祠在府治北祀明忠臣張昱知州王朝雍建

旌忠祠在大陽鎮祀明忠臣孟陽

二王公祠一在南關祀知州王所用一在西關祀知州王

孕長

賢侯祠在南關祀知州許維新邵鳳翼劉民瞻黃圖昌孫
丕承官于宣倫可大

寺觀

廣教寺在城中和坊宋建明賜名普定寺指揮胡景印置

大藏經一藏

普陀寺在城淳化坊明建

高臺寺在城北福星坊唐建天啟中韓尼有碑記

勝因寺在城南二里明正統年間有碑

寶山寺在城西南五里唐建碑碣無可考

碧落寺在城北十五里碧落山唐黃圖公撰為其妣妃祈

福建有彌勒石佛像磨崖碑疑李讓自行篆書宋宋敏

求以隸書作釋文佛像後有北魏孝昌唐武侯萬歲通

天時及金刺史許安仁記即唐陳子昂石佛閣題詩處

白馬寺在城北十五里司馬山舊志云明建金李俊民詩

已稱千年古廟非自明始也

藏陰寺青蓮寺五里北齊僧曇始建寺或云即丹谷非是

內有唐寶曆元年三年宋景德年碑記

青蓮寺在城南南三十五里峽石山隋惠遠說法道場宋

賜名福巖院寺有擲筆臺僧惠遠注涅槃經成擲筆處
院藏經七百函合五千卷外藏貝葉真經唐宋以來經
幢塔碑碣計二十八種

香爐寺在城南三十里香爐山元建

乾明寺在城西北三十里可寒山唐天祐十四年建裴騫
云唐末避兵地後興造以報佛恩又名報恩禪院

元泉寺在城北五十里舊志云唐建內有至道元年勅賜

普濟石牒有晉天福石幢漢乾祐石幢元至正碑

普照寺一一在縣南六十里月院山金建一在城北巴公

鎮有金牒曰普照不詳所始

崇壽寺在城北郃村後魏建內有北魏碑三字已漫滅唐

石幢一宋天聖卧碑及金定興元皇慶碑寺西二里許

石佛巖又有北魏唐天祐宋端拱石刻詳見輯錄

香山寺城西北五十里亦名香爐寺不知所自據明碑云

鄉人掘地得古碣僅存年號數字創於唐明宗四年僧

保福勅建於宋仁宗二年上有虎跑泉

資聖寺在城北大陽鎮舊志云北齊建無可考有宋天禧

四年牒

顯慶寺在城南金村後趙建

松林寺在城西南晉普山下一名靈巖寺一名法輪禪院
有宋四石幢金元碑額明釋法亮於南都造藏經六千
四百卷六百四函建塔藏之劉龍有記金楊庭秀碑云
創自隋時慧觀頭陀

聖樂寺在城西五十里洞陽山唐建

廣福寺在城西周村鎮舊志云唐建內有唐天復三年石
幢原名寶林寺又有石幢稱大齊壬申似建自北齊金
牒始改廣福

善覺寺在城北四義村舊志云唐建無可考內有金牒

景德寺在城東高都鎮舊志云唐建舊名慈善內有宋牒
大乘寺在城北板橋村元建

香烟寺在城南上元社舊志云元建無可考內有宋建隆
二年石塔記

壽勝寺在城東張莊村元建

淨影寺在城東南九十里蟠龍山爲青蓮寺下院隋開皇
年高僧惠遠法社一名金門寺一作金燈寺金趙秉文
元好問寓此完顏琦聞趙閑閑起爲翰林有寶巖從谷

西窻夢之句元遺山有寶巖紀行詩

開元寺在城東南隅唐建今廢為民居內有李嗣昭所範

銅鐘移置元妙觀

雙林寺在城東南六十里太行之中碑云東九仙臺西文

殊澗南黑龍窟北黃龍潭唐天寶年戶部郎中秦居士

建明季重修巡撫苗胙土有記

興善寺在城西四十里岳神山之陽據明碑云北齊鄉進

士趙用同本空和尚建碑已無考有宋咸平乙亥石幢

聖公寺在城西長河北

龍華寺在城西岡頭村內有泉水穿山過花隨水流故名

龍華寺在城西岡頭村

國朝建

真容寺在城北坡頭村

琵琶寺在城南十五里有金大定年石幢大安年卧碑

觀音堂在洞子巖有後晉天福年間碑

佛堂溝在城西西北二十里鑿山為像有金大定間石壁記

天慶觀今名元妙觀移開元寺銅鐘於內宋祥符間詔天

下州縣立天慶道院內有政和年蔡京書額司士曹李

倪碑紹聖間郡守倅題各記金大定時吳鼎訪潛叟道人喬可度題寒碧軒詩碑元建修文昌閣記後有唐天寶十二載石幢疑亦開元寺所移也

一仙廟在城東三十里山頭里南有宋紹聖七年碑衛尚

撰大觀元年碑苟顯忠撰

一仙館在城東北三十里祀樂氏二女有宋開寶七年碑

記金明昌定中宮銘大德題名記

迎祥觀在城西周村鎮金建外有元至正間孟尹去思碑

玉虛觀在城東北李村金建

洞陽觀在城西馬平村金建

太平觀在城西辛壁村元建

修真觀在縣西上町社一張仙翁一名崇真一名道温同

結茆於此後坐蛻瘞之同穴內有周廣順石幢金元碑

記

玉華觀在城西葦町村元建

會真觀一一在城東水北村金通微子杜志元捨宅地為

樂真菴後改為會真觀狀元李俊民有記其一在郃村

清震觀在東四義村有天寶元年石幢或者舊寺也

純陽觀在城四下村

雲真觀在城北車渠村

集真觀在城四四十五里內有至正年碑泰和丙戌碑碑

陰有詞三十首

五龍宮在城西南二里許白水濱唐刺史溫璠建碑云遇

旱淘取神水甘霖降後鑄鐵牌一上列年月投池中以

答神貺傳為古龍潭內有宋天聖及金元碑

太和宮在城福星坊明建

神霄宮在城南上輦村明建

靜樂宮在城東南金村明建

聖臨菴在城東四義村有斷石幢上刻佛像係唐宣宗大中年

問心菴在城西關國朝建

彌陀菴在城東關國朝建

延慶菴在城南關明建

水陸禪院在城東南隅

十方禪院在城東關

古蹟

媧皇窟城東浮山北谷空虛如囊傳卽煉石補天處谷祀

媧皇山祀伏羲宋崔公度感山賦序云太行山一名皇母一名女媧洪荒之談非所據也

禹跡邑東南二十五里太行山北有龍門峽兩山中分丹水迅流傳爲禹所鑿故因名龍門東有魏孝文帝廟或因孝文自平陽由龍門入洛而附會之與

垂棘路史云夏帝履癸始遷於垂註謂天門在澤之晉城又戰國策桀居天井卽天門也東漢地理志云博物記曰高都縣南地名卽垂垂棘之壁出此今有巖洞大石自閉

桑林府志云在城北伊侯山程明道遺書澤州北望有桑林弁謂伊尹空桑考桑林空桑應在亳莘等處金李俊民湯祠靈應記已云不詳所始姑存其說云

鐸遏父本赤翟別種春秋初據此爲晉所滅今訛作奪火孔子迴車轍跡邑南四十五里天井關石路轍跡迴環傳爲臨河返駕處考廟碑孔氏官洛陽遷山下追思先聖立廟奉祀後人因之附會也明陳棐有迴車解

巴公原邑北三十五里巴公周同姓國四州文獻云晉文公西伐巴蜀遷巴子於高都謂巴蜀今汾州周世宗自

一將攻漢劉旻次澤州閱兵於北郊及戰於高原敗之追
及高平又敗之高原卽此地

全玉嶺邑東北四十五里莒山左舊志云趙簡相如遣舍
人懷璧從間道歸趙之處非所詳也

高都邑東三十里高都村史記索隱曰高誘云高都韓邑
所謂以敝高都得完周者考史記秦莊襄王二年蒙驁

拔魏高都則高都似屬魏秦漢置縣在今高都村北魏
高都在今治不容混也

漢高城邑東南百里酈食其勸漢高祖杜太行之險屯田
於此遺趾尙存

晉城卽北魏高都周建州隋改丹川唐移丹川置晉城皆
今治也新唐書以爲析丹川置晉城縣府州志俱踵其

誤

陽阿邑北五十里今大陽鎮漢爲陽阿侯國水經注曰陽

泉水出鹿臺山其水東逕陽陵城南卽陽阿縣之故城
也漢高帝七年封下訢爲侯國魏土地記建興郡治陽

阿縣據大陽北齊碑記稱陽阿故縣土地記似誤

丹川故城後周建高平郡治丹川縣卽今邑內隋爲丹川

縣新唐書析丹川置晉城隸建州舊唐書移丹川於源澤水北在今高都村當以舊唐書為是

長連城東南五十里白羊泉府志云魏孝文由龍門入洛陽即此考孝文入洛陽由平陽絳州非此龍門也或鄉民避兵所築此若否則宋指揮營也

石佛谷在碧落山有彌勒石像磨崖碑唐李華有詩載藝文別見山川寺觀

狄梁公望雲處太行絕頂唐狄仁傑自汴州參軍遷并州法曹時親在河陽登山反顧見白雲孤飛曰吾親舍在

其下瞻望久之雲移乃去今名橫望鎮太守朱樟表於

石曰狄梁公望雲處

羊腸坂城南二十里屈曲如羊腸即魏伐趙斷羊腸坂拔闕與處李太白詩五月相呼度太行摧輪不過羊腸苦

壺壁在天井關東今為壺坪村慕容垂入天井關列陣於

此破慕容垂於河曲

乾河城東南隅傳白水伏流處唐澤潞節度使劉從諫從

子正擅留守渠降將言澤州兵萬五千人常分伏山谷

今令陳許軍過乾河立寨築夾城環遶澤州可破李德

裕因請令王宰於乾河立寨攻克之澤潞平

大會砦距縣四十里宋初征李筠李崇矩等攻大會寨拔之又敗筠於茶碾村茶碾卽碾子谷

隧道五代梁襲晉澤州徐懷玉屯兵守之比晉來圍穴地道攻城牛存節與懷玉亦穴地應兩軍戰於隧中

碾子谷城南二十里宋建隆初後周李筠殺澤州刺史張福據其城因勅石守信進師拒隘勿縱下太行遂破筠三萬衆於澤南卽此

馬牢川一作馬牢關城東南七十里柳樹口北俗名馬牢

川李存孝擒鄧季筠處

程子鄉校宋治平二年程明道先生來令晉城以五代擒攘子遺瘁苦安定後未識禮讓廼建鄉校七十二處行縣時親爲兒童正句讀春風鶴仁所在向化又立社學數十所雖窮鄉曲巷時聞絃誦聲

神銳營城南關遺愛廟宋咸平五年置指揮營於此元祐七年指揮韓秀建天王堂於中今改爲三忠廟祀漢諸葛武侯唐李衛公宋文丞相

白石仙人像不知其名由來莫考舊志云白石先生祠西

南三十里玉仙山入洞白石下垂如蓋按像在晉普山
別無玉仙山或一山而兩名也

宿鳳臺城北四十里李村舊志云相傳晉武帝太始元年
有鳳集於高都之北按晉書太始元年郡國鳳凰見未
曾指名高都今以之名縣特存其說云

擲筆臺城東南三十五里硤石山青蓮寺有石臺高數丈
頂平如砥高僧惠遠注涅槃經成擲其筆曰若疏義契
理筆當駐空已果然因名

北樓唐陳子昂有登澤州城北樓詩載藝文

司徒村唐太常卿司徒映元進士司徒祖契故里今縣境
無司徒氏而司姓頗多或如統譜所稱端木之後為端
顛孫之後為孫者歟

老子遺像相傳吳道子畫於城內天慶觀刻摹於石像甚
奇古有贊數語書法亦道勁

韓營城北三十里水北村舊志云金末籍民為兵屯札處
元廢為樂真觀考金俊民會真觀記其地東瀕丹水故
曰丹西在水之曲一曰泖曲又曰韓營在金末已莫詳
所自未可指為屯兵所也或云宋節度韓令坤困宋將

蔡審定田紹斌攻澤州負傷馳奏太祖領兵過此其說亦未可據 考宋兵制自建隆以逮靖康澤州增立軍營在城內外者咸平中如神銳二營慶歷嘉祐時如威果宣毅五營其他隨時增置如永保招收保節義勇宣勇等營率依山砦鎮堡屯田訓練而統以指揮使隸之都巡檢據宋馬泰天王堂記指揮韓賢韓秀世其職守所謂韓營者其因韓姓而名歟

鶴鳴堂城東南隅金狀元李俊民故居楊果鶴鳴堂記曰段澤州正卿今之賢諸侯也館用章先生而師事之而

以鶴鳴名其堂鶴鳴先生自號也元世祖潛邸時徵之有介旨五道碑刻在學宮

柳溪城西三里金崇慶同知州事宋雄飛同司戶呂華嘗遊此地有碑記在五龍宮

寒碧軒金大定時洛陽吳英菽雪中訪潛叟道人喬可度作七言古詩贈之後其門人侯節與可度臨摹於石詩字俱佳今其處翠竹蒼松清陰猶然似昔乃知寒碧之名信不虛也

聚樂園城南數里元段長官紹隆別墅晚年嘗與故舊遊

宴於此今其處名花園村

西司松郡署西牆外三松節幹奇古郡守朱樟建冬秀亭

於其中今則亭樹俱無王西樵士祿有澤州使院古松

詩見藝文

白虎廢驛在城東北二十五里泊南村

塚墓

周蕭相如墓在莒山南相如趙人馮亭以上黨歸趙而秦

旋拔之且高都屬魏弁非趙地而墓乃在此非所詳也

晉平西將軍周處墓相傳在周村西當以常州荆溪縣為

正然處力戰歿嘗賜葬地一頃則高都或所賜地否則

其將士以衣冠招魂葬此

唐將劉友信墓在城西二里

宋崇文院檢討劉義叟墓在高都鎮義叟精算術未病嘗

曰吾及秋必死自擇於父塚旁古庚穴以語其妻如其

言葬之

金狀元李俊民墓在崔莊

威州刺史武僊墓在天井關

章宗元妃李氏墓在庾能村南李氏名師兒即宮教張

一建陽紗指字所謂聲音清亮者也明昌四年封昭容明年進淑妃後又進元妃父湘追贈隴西郡公祖曾祖胥追贈而墓在鳳臺可備博考

元澤州長官段直墓在城西中村劉因誌其墓

一知通州事段紹隆墓祔太子詹事郭貫撰碑銘

祔

澤州長官申甫墓在申匠村教授劉德盛撰碑

明宣寧六王簡莊王和僖王恭安王康靖王昭榮王溫簡

王墓胥在城東大嶺頭

隰川五王懿安王恭僖王莊隱王康肅王莊惠王墓胥

在城東北原

布政張忠公曷墓在上滾村

侍郎楊砥墓在城東南村胡儼誌其墓

尚書侯璉墓在城西勅修王直撰碑

廣西道御史司福墓在屋廈村

侍郎贈尚書孟春墓在金剛嶺勅修

賚強知縣贈太僕卿段豸墓在中村地名粽子墓

行人孟陽墓在大陽鎮勅建

陝西僉事司迪墓在白水村河北岍

宜興縣知縣丁謹墓在張家嶺

米脂縣知縣丁讓墓在張家嶺

宜陽縣知縣司放墓在屋屨村

貴州布政使鄧相墓在王台村東

堂邑知縣司進墓在葉家河村東南

尚書裴宇墓在大陽鎮勅建

內邱知縣張珩墓在崗頭村東

保寧府知府苗煥墓在城東臨澤村羅喻義表其墓

侍郎張毅敏養蒙墓在大陽鎮勅建

尚書周盤墓在葦町村

給事徐觀瀾墓在金村

河陰知縣苗有土墓在下輦村

金吾衛指揮僉事苗廣土墓在下輦村

御史翟學程墓在崔家河底

御史王允成墓在江匠村

大理少卿張光前墓在上輦村

陝西布政司張光縉墓在郝匠村澤家嶺

參政贈光祿卿張光奎墓在香山寺

汴陽知縣程接孟墓在張家嶺

河內知縣丁泰暹墓在張家嶺

正定知縣王緒宏墓在楊家窰

進士朱廷燔墓在屋厦村

國朝鄖陽巡撫苗胙士墓在感義里胡家莊

陝西參議毛一豸墓在上輦村

工科給事中張京墓在西謝匠村畢振姬誌其墓

連山知縣宋三才墓在上輦村

海寧知縣張肇昱墓在郝匠村澤家嶺畢振姬誌其墓

甘肅道張肇昇墓在雲盤嶺

趙州知州張肇暉墓在司徒村

贈工部侍郎王國賓墓在城南楸木窰

贈吏部尚書陳昌期墓在樊山

大學士陳廷敬墓在樊山嶺李光地誌其墓

安縣知縣苗士寅墓在胡家莊

萬年縣知縣張勳知墓在浮山下

贈工部侍郎王自振墓在城南楸木窰

贈工部侍郎王璇墓在城東豐女村

贈工部侍郎授明威將軍王珣墓在城西南常村

山東鹽法都轉運使司副使道王廷掄墓在城南二十

五里白雲村

高密知縣李宏墓在申匠村北原上

南宮知縣孔文明墓在孟家店

樂亭知縣張德祁墓在大陽鎮東南

光澤知縣張文燦墓在河東村

崇寧知縣王宰墓在閭庄村

廣東僉事段藻墓在西義村馬連道

畧陽知縣馬如龍墓在巴公村南

掖縣知縣梁肯堂墓在城西馬匠

陝西神木道衛璠墓在西峪村

內閣中書張奕曾墓在郝匠村

鹿邑知縣馬麟友墓在城北書院村

工部左侍郎王廷揚墓在城西南常村

吏部郎中岳峻極墓在巴公村南

工部郎中鄧超墓在項東村

翰林院檢討楊仙枝墓在屋慶村

翰林院編修陳豫明墓在魚山

寧晉知縣陳賁懿墓在梅莊

翰林院庶吉士陳隨正墓在鰲峯嶺

翰林院侍讀學士陳壯履墓在郭峪鎮

戶部左侍郎王鈞墓在豐安村

和州知州衛樞墓在太行山安莊

延平府遊擊孔毓潤墓在鍾家莊

彭縣知縣陳奕繩墓在城東謝匠村

贈朝議大夫刑部員外郎劉滋善墓在綿來山

廣東南韶連兵備道劉松齡墓在城東棋盤村

邱縣知縣閻大綬墓在大陽鎮

直隸新城知縣王熙載墓在城西小山

刑部郎中王鏐墓在環秀山孫嘉淦誌其墓

陝西延綏榆道王鏜墓在豐安村

戶部員外郎秦嶠墓在城西呂匠村竇光鼐誌其墓

翰林院編修河南學政秦百里墓在城東北屋頂村

興漢鎮總兵官張大經墓在大陽鎮

川北兵備道呂元亮墓在城東小張村翁方綱誌其墓

安寧州知州衛熊章墓在孔匠村
進賢知縣李升庸墓在大箕村

紀事

周穆王五十年西巡逕絕翟道升於太行

襄王二十八年晉侯西伐巴蜀遷巴子於高都
巴蜀同姓

地在汾州今澤地有巴公原

靈王二十二年齊侯伐晉入孟門登太行封少水

元王五年晉丹水反繫一作潔

六年晉澮絕於梁丹水三日絕不流

赧王十五年秦伐韓取南陽攻絕太行道

十六年韓以高都與東周
雍氏之役韓徵甲與粟於東周君周君患之召蘇代與謀

代見韓相國說以與周高都是折周而入於韓也秦聞之必大怒不通周使是徹高都得完周也曷為不與相國曰善果不徵

甲與粟與周高都

二十六年韓以故地歸魏
初韓魏易地樊餘謂楚王曰魏有南陽則楚方城以外危

韓得二縣兼兩上黨以臨趙即羊腸以上危易成之日楚趙皆輕楚王恐因趙兵以止易按韓魏易地

年月莫考據史記魏王欲親秦伐韓以求故地無忌謂魏王曰秦不可恃當速受楚趙之約趙挾韓之質

以存韓而求故地韓必效之此士民不勞而故地得且存韓安魏以利天下通上黨於共甯使道安成

入賦之是魏重質韓以其上黨也今有其賦足以富國韓必德魏而不敢反魏是韓則魏之縣也王善其

言韓以故地歸

四十八年秦拔魏城焚垂都

信陵君謂魏王曰秦從林

入國中邊城盡拔文臺墮垂都焚林木伐麋鹿盡而

國繼以圍按三晉別無垂地惟高都有山各垂夏

五十五年秦擊韓於太行上黨降

秦莊襄王元年使蒙驁伐魏取高都

括地志云高都故城今澤州

三年蒙驁伐魏高都汲拔之

始皇二十六年以高都隸上黨郡

漢高帝元年以左丞相韓信等擒魏王豹定魏地置上黨

洛陽阿侯國高都屬之

宣帝五鳳元年大熟

元帝初元二年閏二月客星見昴分

居卷舌東五尺許青白色長三寸

成帝陽朔二年秋關東大水流民欲入天井等關者勿

苛留

後漢建武元年馮異北攻天井關拔上黨兩城

時異守孟津更始將

朱鮪屯洛陽異貽以書鮪不復與異爭鋒故異因此北下

王梁守天井關

王梁為野王令與河內太守寇恂南拒洛陽北守天井關朱鮪不敢出世祖以

為梁功

宗正劉延攻天井關

延與田邑連戰十餘日延不能進邑迎母妻子為延所獲後聞更始

敗邑乃詣洛陽獻璧馬即拜為上黨太守

二年太行山賊為亂高都長鮑昱討平之

太行山中有劇賊太守戴

涉署鮑昱為高都長討擊羣賊誅其渠魁道路開通

安帝永初三年大饑人相食

獻帝建安十年冬十月高幹據并州以兵攻濩澤徵馬

騰將兵擒斬之

三國魏元帝奐咸熙元年太行山崩

晉武帝泰始元年冬十二月鳳凰見上黨高都

據本紀云是年郡國

秦鳳凰見各一未明指高都

三年春三月太行山崩

咸寧三年八月霜殺菽

大康元年雨雹傷禾 二年雨雹傷桑麥 三年大風

折木壞屋

惠帝元康四年秋災風傷稼 五年秋大風傷禾稼

懷帝永嘉元年王彌寇上黨東海王越遣淮南內史王

曠等討之

王彌寇上黨圍壺關越遣曠及安豐太守衛乾等討之戰於高都長平間大敗之死者十

六七

二年夏大旱是歲劉淵陷太原諸郡皆下淵自稱大單于遣劉曜下

屯留長子及
泣氏高都

愍帝建興四年大蝗民多
流殍

東晉明帝太寧元年十二月大雪

成帝咸和三年石勒陷上黨泣氏高都
一時俱下

穆帝升平元年北燕取上黨及長子高都

帝奕太和五年秦王猛執北燕太守慕容越郡縣
皆降

孝武帝太元元年秋九月澤州旱饑井渴舊省志
按

長平郡為澤州
此不知何考

十一年慕容永稱帝於長子以高都為建興郡改元中

興

十九年西燕慕容永為慕容垂所滅垂發步騎七萬遣
慕容瓚張崇攻永

弟於晉陽永遣其將刁容慕容鍾率眾五萬屯潞州
垂遣慕容楷出自滏口慕容濃入自壺關垂頓於鄴

之西南月餘不進永謂垂詭道伐之乃攝諸軍還杜
太行軹關垂進師入自天井關至於壺壁永率精兵

五萬來阻河曲以自固馳使請戰垂列陣於壺壁之
南農楷分為二翼慕容國伏千兵於深澗與永大戰

垂引軍偽退追奔數里國發伏兵馳斷其後楷農夾
擊之永師大敗斬首八千餘級永奔還長子城破數

而戮
之

北魏明帝永興四年建興郡獻白鹿

五年十月月掩天關 占曰有兵後漢澤民劉逸反討

平之 逸自號征東將軍三巴王王紹署官屬攻逼建興

郡元城侯元屈等討而平之是年大赦西河張建

武帝太平真君五年改建興置高都郡

成帝和平五年復置建興郡

泰常七年冬十月車駕南巡出天井關

討之

司徒奚斤伐滑臺不克帝怒親

八年閏月乙未幸河內北至太行山幸高都

宣武帝正始元年十月建興郡獻白鳩

宣武帝景明元年六月丁未雪霜殺禾

孝文帝太和十年四月建興漢澤民家養蠶絲網成暮

中有卷物似絹

孝明帝孝昌元年六月曲赦平陽建興

二年六月己巳曲赦建興正平等三郡

三年正月曲赦平陽建興

孝莊帝永安元年罷建興置州別置高都郡

三年十月誅尔朱榮尔朱世隆叛自太行退走詔尙書

行臺源子恭鎮太行丹谷討之

子恭率步騎一萬出自西路遣楊昱李侃等募

敢勇士八千往
從東路防討之

十月余朱世隆攻克建州平北府長史陸士廉死之屠

其城刺史陸希質獲免世隆攻建州刺史陸希質與長

陸士廉率眾拒守城陷世隆
殺人以洩忿盡屠之十一
廉不屈死惟希質獲免

十一月壬申余朱世隆信建興之高都余朱兆自晉陽

來會共推長廣王為王改元建明以前東荆州刺史元
昱恭為都督建汾晉

三州諸軍事文武普汎加四級 按本紀前云建州
後云建興高都世隆傳又云建州長子史之自相矛

盾如
此

十二月壬寅朔余朱兆寇丹谷源子恭敗奔都督崔伯

鳳臺縣志 卷之十一 鳳臺縣志

後廢帝中興二年春前廢帝右將軍建州大都督

以城降

出帝太昌元年七月以去問隆之為驃騎大將軍率朱騎

十萬趨太行會齊王高歡欲北討余朱兆

天平元年四月詔省建州齊王高歡拒不從州刺史韓
賢與高歡

同時起義故省建州
以去賢拒之不從

是年六月齊王高歡遣二千兵鎮建興益河東及濟州
兵於白溝虜船

不聽
向洛

東魏靜帝天平三年八月建州霽霜大饑

四年四月齊王高歡以建州等郡霜旱人饑流散所在開倉賑給

是年為西魏大統三年十一月西魏周王泰表楊擗行

建州郡事

東魏自沙州之敗汾絳建州諸城有請為內應者周文表擗行建州事時建州遠在敵境

擗至建州東魏州刺史車折于洛出兵逆戰擊敗之

又敗其行臺斛律俱於州西大獲甲仗軍資以給義

兵威名大振已而賊眾漸盛擗以孤軍無援遂引還周文知之後授建州刺史

武定六年齊王澄自滎陽從太行歸晉陽

於路遺書白察相戒厲朝

野承風

北齊文宣帝天保元年冬十二月西魏周王泰代齊分

至建州齊主親戎禦之

周主泰率眾至陝城分騎北渡至建州齊主洋親戎出次城東

泰聞軍容嚴盛嘆曰

高歡不死矣遂退師

八年蝗

北周武帝建德四年以梁國公侯莫陳芮守太行道

率眾一萬

為伐齊也

宣政元年正月併長平高都二郡為高平郡

靜帝稱大象二年相州總管尉遲迥舉兵石孫以建州

應之

隋文帝開皇三年罷高平郡置澤州以丹川隸之

煬帝大業二年帝幸恒岳還下太行牛宏進位大將軍所定壇墠幣帛皆

如儀帝嘗引入帳內對皇后賜以同席飲食其禮遇如此

三年五月發河北十餘郡丁男自太行山達并州以通馳道

十一年十一月巳酉賊帥司馬安破長平郡大業初於丹川置長

平郡有太行山

十二年并州王君廓亡命為盜聚眾掠長平郡

唐高祖武德元年改長平郡置澤州復置建州建晉城以

隸之舊唐書是年移丹川於源澤水北六年首建州徙蓋州來治以蓋城丹川隸焉九年俱首入晉城

二年太行山聖人崖有聲夏騶虞見

三年七月太宗遣劉德威自太行率眾圍河內會討王世充也

是年李靖兵出潞州道總管任環屯太行

八年廢建州置蓋州析置蓋城九年省丹川蓋城

太宗貞觀元年徙澤州置晉城

十一年鼠害稼 十五年收 十七年夏疫 二十年

白鹿見

元宗開元十二年澤潞大旱帝設壇宮中親禱暴立三日雨即降

八月霜傷稼

天寶元年改澤州為高平郡

肅宗至德二年置澤潞節度使 治潞州

是年九月安慶緒陷上黨郡執澤潞節度使程千里

乾元元年澤潞節度使王思禮及安慶緒戰於相州敗

之

是年復改高平郡為澤州

二年三月壬申王思禮等九節度之師潰於潞水 光弼思禮

兵獨全

是年秋大旱自六月至九月無雨禾黍一空

三年四月庚子澤潞節度使王思禮及史思明戰於
于嶺敗之

上元二年澤潞節度使兼領沁州

寶應元年建卯月以郭子儀知朔方潞儀澤沁行營軍

馬副元帥

是年以澤潞節度增領陳鄭邢洛四州

是年建巳月史朝義寇澤州刺史李抱玉敗之

代宗廣德元年澤潞節度增領河陽三城

大歷元年相衛六州節度賜號昭義軍

四年澤潞節度增領潁州

五年澤州嘉禾生大有年

德宗建中元年慶雲見於州南刺史李鷓具圖以獻詔却之

是年昭義軍節度兼領澤潞二州徙治潞州

二年昭義軍節度使李抱真會李晟馬燧討田悅戰於

臨洛敗之

三年四月以昭義軍節度副使盧元卿為魏博招討使

六月李抱真等四節度及朱滔王武俊田悅戰於連獲

山敗績

興元元年李抱真等及朱滔戰於京城敗之

貞元十五年九月詔河陽澤潞諸軍討吳少誠

憲宗元和元年罷澤潞等處貢鷹鷂從李絳請也

四年十二月羣鳥夜集太行山上五行志

十二年六月河中澤潞六州水害稼五行志

穆宗長慶元年以魏博昭義等軍討王廷湊時久無功白居易上

言兵多將眾號令不一宜詔澤潞四鎮令各守境以省度支每道各出銳兵三千令李光顏將之

二年二月昭義軍節度使劉悟因其監軍劉承偕

敬宗寶歷元年昭義節度劉悟死其子從諫自稱留後

劉悟死子從諫入朝遣歸鎮李絳上疏以為兵貴神速劉悟死已數月朝廷尚未處分中外人情共惜事機今昭義軍家必不盡與從諫同謀且從諫未嘗久典兵馬威惠未孚今朝廷速除澤潞一將充昭義節度使令兼程赴鎮從諫未及布置新使已至潞州所謂先聲奪人之心也時李逢吉等計議已定其謀遂寢

文宗太和元年昭義節度使劉從諫敗王廷湊於昭慶

開成二年澤州水害稼

武宗會昌三年四月昭義軍節度使劉從諫死子正自稱留後詔河陽節度王元逵魏博節度何宏敬為征東面招討使及節度陳夷行王茂元劉沔以討之

是年九月以忠武節度王宰兼河陽行營攻討使

元別將營天井關為賊將薛茂卿所破執四將火十七柵張巨進攻萬善不能下茂元欲走會日暮賊自潰去詔忠武王宰以本軍入懷澤行營陳許士剽武賊眾素憚畏茂卿冀厚賞失望乃與宰通即偽挑戰西北委天井關去左右七營皆潰茂卿奔澤州使謀言於宰曰澤可取吾應於內宰疑不進失期茂卿被殺宰進破劉公直拔陵川

是年十二月王宰克天井關

朱邪赤心率代北騎軍三千隸石雄為前軍破石會關助王宰趙犖從之攻下天井關

四年四月王宰踰乾河攻澤州七月昭義軍將裴問以

城降

是年八月昭義軍將郭才殺劉正以降戊戌給復澤潞

等州一歲

僖宗乾符四年昭義軍亂逐其節度使高湜

五年昭義節度使李筠討李國昌及李克用戰於懿谷

敗績

廣明元年八月昭義軍亂殺其節度使李筠

中和元年八月昭義軍節度使高潯及黃巢戰於石橋

敗績其將成麟殺潯入於潞州

是年九月昭義戍將孟方立殺成麟自稱留後

二年夏書積陰六十日

三年十一月李克用遣李克修攻昭義孟方立取澤潞

二州方立走山東以邢磁洛三州自別為昭義軍

四年李克用南討黃巢出天井關克用以兵五萬救陳州出天井關假道河

陽諸葛爽不許乃自河中渡河

光啟三年孫儒陷懷州別將李罕之據澤州三年孫儒去河陽罕

之自澤州入孟州

文德元年河南尹張全義襲河陽李罕之出據澤州

昭宗龍紀二年六月昭義節度孟方立死弟遷自稱留

後叛附於李克用

大順元年三月昭義節度使李克修卒其弟克恭自稱留後

是年五月昭義軍將安居受殺節度使李克恭叛附朱

全忠遣李讜攻李罕之於澤州晉遣李存孝救之時梁軍圍

澤州軍中呼罕之曰公常恃太原以為命今太原已歸唐唐兵大集團太原沙陀將穴以自處公復誰恃而不降乎存孝率精騎五千至以五百軍繞策而呼曰吾沙陀之未穴者待爾肉以食軍可令肥者出鬪梁鏡將鄧季筠引軍出戰存孝舞稍擒之李讜敗走追擊至馬牢關還攻潞州全忠以孫揆為潞州節度以三千卒為衛東衣大蓋擁節先驅存孝以三百騎伏長子崖谷間俟揆過擒以歸梁將葛從周等聞之委潞潞通去

光化元年九月李克用殺昭義節度使康君立

光化元年十二月李克用取澤州澤州李罕之襲潞州以降梁梁遣丁會應

之嗣昭與會戰含山執其將一人斬三千人遂取澤州

二年三月朱全忠陷澤州

是年八月李克用取澤潞懷三州克用遣李君慶攻梁潞州為梁所敗醜殺

君慶李嗣昭攻破之

天復元年四月梁遣氏叔琮出天井關陷澤沁二州以

懷玉屯澤州晉人攻之為隧以入懷玉擊之隧中晉人乃却

昭宣帝天祐三年晉遣李嗣昭攻梁潞州丁會降以嗣

昭為昭義軍節度使

梁開平二年梁主如懷州遂如澤州以劉知俊為潞澤行營招討使五月潞州

行營都虞侯康懷英及晉人戰於夾城敗績晉遣馬德威屯亂柳以救潞懷兵不敢戰使李思安代之亦無功梁主怒自至澤州以為軍援未幾為存勗所敗以百騎遁歸

是年晉攻澤州不克夾城之破牛存節收餘兵歸至天井關聞晉兵圍澤州存節顧諸將

曰吾行雖不受命然澤州要害不可失也舉策而先士卒隨之北至澤州州人已焚城外將降晉聞存節至乃稍定存節入城助守晉人穴地道以攻之存節選勇士數十入穴地以應之戰於隧中敵不得入乃解去

末帝貞明二年晉稱天祐十一年七月李嗣昭於澤州

開元寺鑄鐘以祈福

龍德三年三月潞州李繼韜叛附於梁澤州裨將裴約

死之傳載華文

後唐同光元年以昭義監軍張居翰為樞密使

是年徙華州節度鎮昭義

後晉高祖天成二年以朱漢賓為昭義軍節度使漢賓依附安重

誨故授之

季漢元年稱天福十二年史宏肇取澤州契丹以耿崇美為昭義節度屯

澤州宏肇克之

是年帝自太行路渡河漢祖建義郭從義首贊其謀充東南行營都虞侯入汴以為河

北都巡檢使

後周太祖廣順三年河南北旬日無鳥既而聚澤潞山谷集於林木樹枝壓折

世宗顯德元年北漢人來伐攻自潞州三月帝次澤州

閱兵北郊及北漢王劉晏戰於高原敗之世宗即位北漢來攻下詔

親征以宋祖典禁兵率眾禦之戰符合指揮樊愛能

先遁軍危宋祖麾同列馳馬衝之漢兵大潰敗之

高原又迫敗於高平乘勝攻河東諸城

石守信等討之

李筠遣人殺澤州刺史張福往據其城求濟師於北漢主鈞與遼兵數萬援之

遣歸德節度使石守信往討五月遣慕容延釗王全斌將兵出東道來會五月石守信敗李筠於長平下

詔親征命道進討已未發京師丁卯石守信高懷德督率諸軍破其眾於大會皆追敗之茶碾村擒偽節

度使范守圖殺漢兵之援者數千人筠遁入澤州宋師圍之

六月有星赤色出心拔澤州筠赴火死

命埋崙駱釋河東相魏融禁剽

掠免澤州今年租移兵攻上黨筠子守節以城降赦之

是年八月南唐賀平澤路

二年正月澤州刺史張詰坐李重進黨棄市

開寶二年水害秋苗

三年夏大旱

真宗景德元年十二月詔澤潞等州放強壯歸農

大中祥符元年五龍躍於丹水

時方大旱民多饑禱雨不應至是五龍見雨澤

即降歲大稔
斗米數十錢

二年澤潞山中盜起太原人王信應募捕擒之

信應募與其徒

捕擒七十人以功
補龍鑲指揮使

三年夏五月甘露降 四年春三月甘露降

五年冬十月澤州廳事生紫蓋芝

白莖二
十一本

七年河東轉運使陳堯佐奏免石炭稅及鐵冶課三十

萬

八年陳堯佐奏請平治太行天井關道路詔從之

神宗元豐八年秋嘉禾合穗或異畝同穎

徽宗崇寧二年冬澤州芝苗生

五年槐木連理

大觀四年槐木連理

政和四年槐木連理

宣和三年五月大陽湯廟芝草生

在梁間六莖競秀
是後歲屢豐稔

欽宗靖康元年八月都統制折可求率師禦金兵潰五

靈山澤路民皆渡河南奔

高宗建炎元年九月王彥久金人戰敗績奔太行山將

岳飛引其部
曲自為一隊

是年岳飛及金兵戰於太行大敗之

飛引兵益北與金
人戰擒其將拓拔

耶烏居數日復遇敵單騎持丈
八鎗刺殺黑風大王敵衆敗走

是年太行山忠義社梁興等以義兵歸岳飛

累戰皆捷
兩河豪傑

山砦韋銓孫諤等歛兵以待王師澤路晉絳之境期
日舉兵以會官軍皆揭旗以岳為號自燕以南金號

合不行會沮
於和議而止

太宗天會四年宋宣和二年也二月宗翰下隆德府軍

次澤州宋使至軍中始知割三鎮講和事
會宋澤州知州來犒師遂解去

是年十一月宗翰取澤州宋知州高世由以城降撒刺

合等破天井關宗翰自太原趨汴降威勝軍克隆德府
撒刺合等先已破天井關進逼河陽高

世由以澤州降後為金留
守洛陽義兵翟興擒斬之

十八年太行山賊嘯聚知州王伯龍平之

熙宗天眷元年太行山賊梁小哥為亂南京都指揮使

徐文討平之

三年夏五月地震

驚死者
數百人

皇統三年三月戊子五龍見於丹水

貞祐二年完顏弼出澤潞赴關

時雲中已受兵弼善馬稍從數騎突出由太原

至澤從清滄赴關

宣宗貞祐四年以州屬昭義軍隸孟州尋改隸潞州

從

蘭阿魯帶之請也見藝文

興定六年元兵攻澤州五年攻天井關皆拔之

元光元年七月上黨公張開復澤州

二年改州為忠昌軍置節鎮

哀宗正大元年九月樞密判官移刺蒲阿復澤潞

獲馬

六年移刺蒲阿再復澤潞

天興二年金亡恒山公武僊兵潰奔天井關為戍將所

殺武僊降元復歸於金擁兵十萬為自固計屢檄勤王

不至又要殺忠臣盧芝石玠進退失據兵潰從數人渡河北至澤州為戍將所殺

〔元〕太宗四年丁酉太師木黎華兵至澤州承制以耶律忒

末為安撫使

詔諭木黎華曰太行之北朕自經畧太行以南卿其勉之木黎華以忒末為安撫使

兼澤潞元帥進兵澤潞降其民六千戶

是年澤州人段直等以義兵歸承制授官有差

段直與同郡申

甫趙唐等見金末兵亂皆團練鄉勇結砦自固至是率義兵歸順木黎華承制授直本州長官甫鎮撫官

唐為次官劉福景遇元帥府都尉

憲宗寶祐元年徵前進士李俊民至都尋放歸世祖在藩邸因

竇默之薦連以合旨馳徵至都詢問治道以年老辭歸加號莊靖先生屬以尚推舊學善誘諸生為國家培植人才仍以姪孫仲修為後命有司段直等以時奉贍無忘敬禮合旨共五道刻於學宮石壁

世祖中統元年夏五月饑 八月旱民饑勅賑之

十二年命太行山諸處修立堡寨上以太行一帶東至平灤西控關陝應有

險阻於附近民內選諸武事者修立堡寨守禦

至元二十年六月沁河水湧溢壞民田

二十七年蝗八月沁水溢

二十九年獻嘉禾

成宗大德七年八月朔丁亥地震時夜將半大風起須臾地震如擗櫓狀官

民廬舍多壞

十一年庚戌地震先是上都地震壞及宮寢至是地亦震自午及申凡三日乃止

順帝至元三年八月大霖雨

至正十七年十月曹濮賊入太行山

十八年察罕帖木兒分兵屯澤曹濮賊踰太行焚掠燔火數千里察罕帖木兒

伏兵南橫擊之賊皆走山谷間乃分兵屯澤州塞碗子城井徑吾兒峪諸隘口賊屢至皆擊却之河東悉定

十九年察罕帖木兒出兵太行察罕重兵統太行營壘旌旗相望數千里以復

山東

二十八年大饑

是年二月擴廓帖木兒自彰德退軍屯澤州 上以擴廓跋扈不臣

貊高關保列其罪狀聞於朝詔落職凡擴廓所總諸軍合白鎖住虎林赤領之擴廓既受詔退屯澤州又命禿魯李思齊等與關保夾攻澤州擴廓退守平陽關保與貊軍合據守澤潞二州尋為擴廓所擒

明洪武元年僉大都督府事陳德破澤州磨盤寨獲元參

政喻仁 遂會大兵克平陽

是年九月馮勝湯和取澤州 率軍至碗子城破其關進取澤州守將賀宗哲等先

遁留兵戍守

四年麥秀兩岐知州李祥以獻

二十年嘉禾異畝同穎

二十一年遷澤潞民於彰德正定歸太康 上以澤潞民多田少遷其

無業者於諸閒曠之地令自耕種免其徭役三年仍備鈇鋌以備耕具

永樂元年詔澤潞等州無田民分赴裕州墾荒

十年布政使周璟奏澤潞等處應運大同草束就近給

驛詔從之 璟奏言草束交納往來三千里民用困乏而邊地平川秋多青草以時採貯可以足用

十二年夏大旱 秋八月朔甲子霖雨害稼

景泰元年秋七月戊午隕霜殺穀

天順六年歲大饑 斗米千錢民易子而食

成化三年虎白日噬人 都御史李侃遣捕之

九年大旱

十一年大水 河瀑漲北城圯

十七年免澤潞等州去年夏秋稅

二十年大饑 民多疫死生者至相食詔遣戶部移河南山東二省粟賑之仍免田租之半

正德八年夏六月蝗 秋八月大水 無雲而雷震既而大風雨平地水深

丈餘漂沒民田四千頃有奇

十二年黑背見秋大水丹河溢 臨河村舍多漂沒

嘉靖二年春大風飛沙三日麥苗多壓死

五年地震 百姓驚恐相與抱持伏於野不敢入室

七年澤州旱蝗饑

十一年春雨霽 冬十月星隕如雨

十六年蝗

二十年夏六月大風傷稼

三十四年雨黑子如蠶沙 冬十二月地震

三十五年秋地震

四十二年春天鼓鳴

四十五年黑青見

隆慶四年夏大水漂廬舍人多覆沒

六年夏六月西北天裂須臾而合越三日天鼓鳴又七

日日現三環

萬歷十四年大旱

春夏不雨民間老穉剝樹皮以食瘡疫大興死者枕相藉詔發帑賑之

十五年大旱

民饑疫死亡如故

十六年春地震大疫

民戶有全家殞歿者

十八年隰籓房脊螭戰吐火踰時方熄

三十三年城西煤窰烟火數月不滅

三十七年秋大旱禾盡死民大饑

崇正四年猗民據水峪反冀南道王肇生討平之

事詳苗中

丞胖土平猗奏捷序見藝文

五年流賊犯澤州客將吳開先擊却之

賊掠大陽鎮犯州西客將吳開

先與戰敗去追至王壁村賊遁尋至曹墩戰死

是年九月賊陷澤州在籍參政張光奎父子死之

事見人物

本傳

是年總兵曹文詔擊賊於太行山敗之

紫嶺距州城十五里為太行山

通清化要路劉令譽遣曹文詔邀擊之行兵稍緩尾其後斬二百五十二級賊屯老營於漢高城文詔會

鄧圯往勦賊遺弃婦女騾馬甚兵貪餌賊遂逸去

是年副總兵左良玉兵駐澤州河南巡撫樊尙璟奏請左良玉駐兵澤州扼豫

晉咽喉可四面為援兵詔從之仍令良玉受尙璟節制與曹文詔同討賊有急則秦兵東豫兵西良玉兵從中橫擊六年良玉連敗賊兵

六年三月賊犯澤州臨沁總兵曹文詔大敗之賊從河內上太行

行犯澤州文詔大敗之賊走潞安初文詔至陽城遇賊不擊自沁水潛師還擊之斬首千餘四月賊犯州西秋羅李寨村副將李卑駐周村兵單不前俄文詔至時漏下三刻襲於潤城斬一千五百級至六月左良玉破賊懷慶賊盡奔太行山

七年大旱饑人相食

十二年豹入城

十三年大饑夏秋無麥禾斗米千錢民多餓死人相食

十六年高傑奔澤州李自成破關陝高傑北渡河絕蒲津自守自成遣別賊攻陷平陽傑

奔澤州

國朝順治元年賊劉芳亮據澤州大兵至潰去九月賊

劉忠破葦町堡

六年賊陳杜張斗光據州反伏誅時姜逆反於大同二人詐稱其黨招集羣

賊據州為亂大兵至皆伏誅

十五年澤潞營兵王士秋妻一產三男

康熙二十二年春正月天鼓鳴

十五年大風拔木屋瓦飛

二十五年天鼓鳴有大星隕光燭數里是秋大稔

二十七年大水

二十九年夏五月澤州黑蟲食禾結為繭大 小各異形

三十年夏五月旱無麥六月蝗食苗七月蟻生歲大饑

民多流亡發粟賑濟免田租

三十一年元日大風春不雨疫大作死者甚衆

三十四年夏四月地震與太原等同日地震旬日九次城堞屋宇多傾壞奉旨否

帑賑濟并散貧民修葺銀項發西安庫帑修築城垣官廨學舍

四十一年大疫喉腫即死

四十四年大有年

四十七年旱

雍正四年大有年

六年陞州為府置鳳臺縣附郭

七年歲大稔是年八月以連歲豐登 詔免庚戌年通省銀四十萬又以民踴躍急公辦駱駝鞍

雇不勞而集免辛亥年通省地丁銀二十四萬

八年歲大稔

九年十年俱大有年

十三年大熟

乾隆元年大赦

二年大水

晉普山諸澗水瀑發平地深數丈漂沒田廬民多溺死者

十六年五月三十日丹水溢

旬日無陰雨河水陡漲道

冲沒田廬淹斃人畜不可勝計時有登高望者見水

面紅燈亂點往來多車馬人物及水消視其地有輪蹄跡或以為蛟出為害也發帑賑恤免田租十分之一

十八年大有年

二十六年縣民陳全妻一產三男

官給布米錢

三十一年田租全行蠲免

四十二年歲歉

四十三年夏無麥

四十五年蠲免田租

四十七年歲大熟



鳳臺縣志卷之十一

四十七年...

四十八年...

四十九年...

五十年...

五十一年...

